

## AUGLÝSING um hreindýraveiðar árið 2021.

Heimilt er að veiða allt að 1.220 hreindýr árið 2021. Þessi heimild er veitt með fyrirvara um að ekki verði verulegar breytingar á stofnstærð fram að veiðum sem kalli á endurskoðun fjölda veiðiheimilda. Veiðitími tarfa er frá 1. ágúst til og með 15. september. Umhverfisstofnun getur, sbr. reglugerð nr. 486/2003 með áorðnum breytingum, að fenginni umsögn Hreindýraráðs, heimilað veiðar á törfum frá 15. júlí, að því tilskyldu að þeir séu ekki í fylgd með kúm og að þær veiðar trufla ekki kúr og kálfa í sumarreit. Veiðitími kúa er frá 1. ágúst til 20. september. Fyrstu tvær vikur veiðitíma skulu veiðimenn og leiðsögumenn í lengstu lög forðast að fella mylkar kúr og veiða af fremsta megni geldar kúr.

Óheimilt er að veiða kálfa. Veturgamlir tarfar eru alfríðaðir og miðast tarfaveiði því við tveggja vetra og eldri tarfa.

Veiðiheimildir árið 2021 skiptast sem hér segir eftir veiðisvæðum og kyni dýra:

	<b>Kúr</b>	<b>Tarfar</b>	<b>Alls</b>
Svæði 1	133	124	257
Svæði 2	175	100	275
Svæði 3	46	43	89
Svæði 4	40	17	57
Svæði 5	46	37	83
Svæði 6	60	75	135
Svæði 7	130	70	200
Svæði 8	35	27	62
Svæði 9	36	26	62
<b>Samtals</b>	<b>701</b>	<b>519</b>	<b>1220</b>

Umhverfisstofnun auglýsir og sér um sölu allra veiðiheimilda.

Veiðisvæðin skiptast þannig eftir sveitarfélögum:

- Svæði 1** Vopnafjarðarhreppur og hluti Múlaþings, þ.e. Jökuldalur norðan Jökulsár á Brú og Jökulsárhlið, hluti Norðurþings, þ.e. gamli Fjallahreppur, Svalbarðshreppur og Langanesbyggð.
- Svæði 2** Fljótsdalshreppur og hluti Múlaþings, þ.e. Jökuldalur austan Jökulsár á Brú, Hróarstunga, Fell, Vellir vestan Grímsár og Skriðdalur vestan Grímsár, Geitdalsár, Hrútár og línu úr Hrútárpollum í Hornbrynju.
- Svæði 3** Borgarfjarðarhreppur og Múlaþing að hluta, þ.e. Hjaltastaðaðinghá, Eiðaðinghá
- Svæði 4** Múlaþing að hluta, þ.e. Seyðisfjörður og Vellir austan Grímsár, og Fjarðabyggð að hluta, þ.e. Mjóifjörður.
- Svæði 5** Fjarðabyggð að hluta, þ.e. Eskifjörður, Norðfjörður og Reyðarfjörður.
- Svæði 6** Fjarðabyggð að hluta, þ.e. Breiðdalur, Fáskrúðsfjörður og Stöðvarfjörður, hluti Múlaþings, þ.e. Skriðdalur austan Grímsár, Geitdalsár, Hrútár og línu úr Hrútárpollum í Hornbrynju.
- Svæði 7** Múlaþing að hluta, áður Beruneshreppur, Búlandshreppur og Geithellnahreppur.
- Svæði 8** Sveitarfélagið Hornafjörður, áður Bæjarhreppur og Nesjahreppur (Lón og Nes).
- Svæði 9** Sveitarfélagið Hornafjörður, áður Mýrahreppur og Borgarhafnarhreppur (Mýrar og Suðursveit).

Þrátt fyrir skiptingu veiðiheimilda eftir veiðisvæðum getur Umhverfisstofnun, í samráði við Náttúrustofu Austurlands, flutt veiðiheimildir milli samliggjandi veiðisvæða þyki sýnt að hjarðir hafi fært sig milli þessara veiðisvæða eða aðrar sérstakar ástæður gefa tilefni til, sbr. 2. mgr. 6. gr. reglugerðar um stjórn hreindýraveiða nr. 486/2003.

Á veiðisvæði 8 er heimilt að úthluta allt að 20 leyfum af kúaveiði frá 1. til 20. nóvember og á veiðisvæði 9 er heimilt að úthluta allt að 26 dýrum á þessu tímabili til þess að dreifa veiðiálagi á hjarðir á veiðisvæðunum.

Samkvæmt 3. mgr. 9. gr. reglugerðar um stjórn hreindýraveiða, nr. 486/2003, er Umhverfisstofnun heimilt að gera ráðstafanir til þess að veiði dreifist sem jafnast á veiðitímamann á hverju svæði.

Veiðiheimildir þessar eru auglýstar í samræmi við 6. gr. reglugerðar nr. 486/2003 um stjórn hreindýraveiða með áorðnum breytingum, að fengnum tillögum Umhverfisstofnunar, sbr. 14. gr. laga nr. 64/1994 um vernd, friðun og veiðar á villtum fuglum og villtum spendýrum með áorðnum breytingum.

*Umhverfis- og auðlindaráðuneytið, 8. febrúar 2021.*

*Guðmundur Ingi Guðbrandsson.*

*Sigríður Auður Arnardóttir.*